

Da Fensterstock Hias

www.franzdorfer.com

Bb Eb

Znagst hat mir mei De-andl a Bri a-ferl zu agschriebn: wa - rum i denn bei der Nacht

7 Bb F7 Bb F7

gar nim-mer kimm? San d'Stie-fel-sohln hin, daß i gar nim-mer kimm? Hol-la ri a-dei, di-

14 Bb Eb Bb F7

ri a - dei, di - jo!

20 Bb Eb Bb F7 Bb

Hab's Briaferl aufmacht, hat mir's Herz im Leib glacht. / Na bin i glei furt bei der stockfinstern Nacht,
bei der stockfinstern Nacht, / daß d'Kniascheibn habn kracht. / Holla riadei, diriadei, dijo!

Und wia i beim Bauern geh umma ums Eck, / da san de Höllsakara no net im Bett -
jetzt des is a Gfrett, / san de no net im Bett! / ...

Und wia i so wart, ja da hats mi recht gfrorn, / in d'Händ und in d'Füaß und in d'Nasn und d'Ohrn,
ganz kalt is mir wordn, / ganz kalt hint und vorn. / ...

Na fang i beim Fensterl mei Reispfwerk o, / as Deandl hat's ghört und hats Fensterl aufto,
"Steig auffa zu mir, / du woabst as scho wia!" / ...

Aft bin i beim Fensterl halt eineschloffn, / hab d'Schuah net auszogn - die habn tuscht aufm Bodn,
die Luader, die grobn, / im obern Stock drobn. / ...

Kaum bin i a Zeitl beim Mensch drinna glegn, / da kimmt scho der Bauer mitm Ochszeam zwegm,
mitm Ochszeam zwegm / - und i war so guat glegn. / ...

Er hat a glei richtig unter d'Hüll einigschaut / und hat mi ganz saggrisch an Arsch auffighaut.
An Arsch auffighaut, / - Bua, da hab i geschaut. ...

Da gibt mir mei Deandl den heilsamen Rat: / "Steig auss beim Fenster, bei der Tür is's scho z'spat!"
I dank für den Rat, / bei der Tür is's scho z'spat. / ...

Und wia i beim Fensterl bin außekrocha, / da is mir der Fensterstock nachibrocha,
der Höllsakara / - is abibrocha! / ...

Da schreit scho der Bauer: "Geh Hias! ho ho, / geh, laß mir doch dengerscht mein Fensterstock da!
Du konnst'n net braucha / und mir geht er o!" / ...

I liaßn scho da, wann i drausschliafn kunnt, / du damischer Bauer, er war dir vergunnt,
ja, er war dir vergunnt, / der oachane Hund! / ...

Jetzt muaß i den Fensterstock um an Hals tragn, / koan Stoa hab i gfunden, daß i'n oba kunnt schlag'n,
daß i'n oba kunnt schlag'n, / den sakrischen Krag'n! / ...

Wia i hoamkemma bin, nimm i Hack und Sapi, / hab a ganze Stund g'arbat, bis i drauskemma bi,
bis i drauskemma bi / - aus dem Höllsakradi! / ...

Des sakrische Fensterln, ja des woab i gwiß, / wann i hundert Jahr leb, daß i des net vergiße,
daß i des net vergiße, / wia's ma da ganga is! / ...

Wenn's an jedn so gangat, wia's mir is ganga, / da gang bald koa Bua mehr in d'Menschakamma,
zum Flöh zammfanga / - mit'n Denghamma! ...